

recydes, ab Neptuno, qui & *Aegæus*. Aliorum opiniones prætereo. Nominatur etiam *Ægon* Valerio Flacco & *Ægeon*, *Mare Græcum* Thucydidi, Europæis hodie *Archipelago* voce Græca: Turcis *Mare album*. Romani totum hoc Mare duobus nominibus olim appellabant, teste Plinio, *Macedonicum* quidquid ejus Macedoniam & Thraciam attingebat: *Græciense* quidquid Græciam. *Myrtoum*, *Ægæi* pars, *Myrtoum pelagus* Ptolemæo circa Cariam, Asiæ Minoris regionem: Castaldo *Mar di Mandria*: Straboni vero Plin. & aliis inter Peloponnesum & Atticam. Nomen illi a Mytilo Mercurii filio, quem in id deturbatum ab Oenomao volunt Sôlinus & Isidorus; vel, ut verius sentit Plinius, ab exigua Insula, non procul a Carysto Eubæo Opido sita. *Icarium*, ab Icarî nota fabula plerisque: Andrææ Tenedio, ab una Cycladum, quæ & *Macris* & *Icarus*: Hodie *Mar di Nicaria*, Castaldo scribente: & alia. Montes etiam plurimi; *Bertiscus*, *Athos*, *Olympus*, *Ossa*, *Pelion*, *Citarius*, *Oebrys*, *Oeta*, *Pindus*, *Acroceraunii*, *Stymphe*, *Calidromus*, *Corax*, *Parnassus*, *Helicon*, *Cytharon*, *Hymettus*, *Stymphalus*, *Pholoe*, *Cronius*, *Zarex*, *Mimthe*, *Taygetus*, alii. In Græcia nempe Athenis Mercatus olim fuit, bonarum Artium & Disciplinarum celeberrimus. Quare a Diodoro Siculo Communis Schola generis humani dicitur. Cicero lib. 1 v epistolarum ad familiares, *Nobilissimum Orbis Terrarum Gymnasium* cognominat. Eo Romani aliæquæ nationes Philosophiæ Græcæque linguæ gratia se conferebant. Cicero Græcis passim attribuit, multarum artium disciplinam, sermonis leporem, ingeniorum acumen, ubertatē dicendi, a quibus Philosophiam, reliquas item artes & scientias Romani hauserunt. Et Flaccus canit: *Græcis ingenium, Græcis dedit ore rotundo Musa loqui*. Viri hic clari literis & doctrina fuerunt *Musæus* Poeta, *Solon*, *Socrates* Philosophorum omnium præceptor, *Xenophon*, *Plato*, *Isocrates*, *Demosthenes*, *Thucydides*, & innumerabiles alii. Quod ad veterum Græcorum religionem, regnavit apud eos Idololatria. Deorum Dearumque numerus fuit infinitus. Augustinus de Civitate Dei lib. 1 1 1, ex Varronis sententia affirmat, simul tam apud Romanos, quam Græcos extitisse 3000 Deorum, quorum 300 Ioves erant. Unicuique suus Lar, suum Numen domesticum. Unicuique affectui, commodo, incommodo, periculo, suus tutelaris Deus: unicuique Deo suæ Ceremoniæ, suæ preces, sui Sacerdotes, sua Sacrificia, & libationes. Vulgus Græcorum hodie antiquitatis nihil retinet. Nam promissam plerumque gestat comam, anterioremque capitis fronti imminētē partem tondere solet: duplicatoque & crasso pileo utitur. Omnes universim pauca supellectile, uti Turcæ contenti sunt: nec plumeis lectis incumbunt sed culcitrâs sive centones lana, aut tomento suffultos substernere solent. Odiosum omnes cēlent Vinum aqua diluere, & etiam nunc poculis se invitant: sed mulieres eorum Symposiis non interfunt, neque accumbunt in accubationibus epularibus. Verus etiam Mort nos deplorandi consuetudo apud Ethnicos perdu-
rat in

Montes.

Schola.

Ingenia & bo-
narum artium
studiis celebres
viri.